

四庫全書

史部

欽定四庫全書

欽定熱河志卷二十七

行宮三

四面雲山

北枕雙峰

西嶺晨霞

鍾峰落照

南山積雪

梨花伴月

曲水荷香

風泉清聽

四面云山



四面雲山 山莊西北隅最高處一峰拔地構亭
其上

聖祖御題額曰四面雲山聯曰山高先得月嶺峻自來風
是亭切漢凌霄羣山拱揖各開生面東眺天橋雲
垂檐際南則玉冠諸峰望如屏列北則金山黑山
屹峙廣仁嶺迤西諸峰盤礴案衍絡繹奔赴憑虛
縱覽萬景天全伏讀

御製諸什信乎乾坤清景秀寫無雙矣

聖祖御製詩

四面雲山 三集

澄泉繞石迤西過泉源盤岡紆嶺有亭翼然出衆
山之巔諸峰羅列若揖若拱天氣清朗數百里外
巒光雲影皆可遠矚亭中長風四達伏暑時蕭爽
如秋

殊狀崔嵬裏蘭衢入好詩遠岑如競秀近嶺似爭奇雨
過風來緊山寒日落遲亭遙先得月樹密顯高枝潮平

無湧浪霧淨少多歧脉脉金明液溶溶積翠池常憂思
鮮愠樂志餘清悲素學臣鄰老者年自不知

登四面雲山

四集

雲梯石磴逼巖嵒倚杖旁觀衆壑同更上一層圖遠望
奈何樹襍與烟籠

御製詩

四面雲山恭和

皇祖聖祖仁皇帝御製元韻

辛酉

攀躋步崇巔摩詰畫中詩岑壑依然在川原望裏奇重
來猶切切欲去更遲遲孤鶴唳層巘孫梧擢老枝苔紋
迷近砌鹿跡印斜歧座靜來青黛牕虛浸曲池懷
恩常撫蹟憶昔更含悲當日

乾乾意身肩始得知

題四面雲山亭子

一丑

四柱構峰巔松蘿作扉閤詰曲頻攀躋造極心乃豁一
覽衆山小左挹雲容活鶴唳與鹿呦饒伊相問答

山中無朝暮行漏丁丁報東峰尚夕陽西嶺已落照秋
雲淡遠天萬里縱清眺有時噫氣作于喁號萬竅而我
亦會心憑虛一長嘯

我有山水癖耽詩殊未厭此地況迴絕衆壑歸包函峰
翠經雨洗楓丹著露添掃苔坐石頭凌霧振衣衫自覺
勝前秋饒有吟髭拈

登四面雲山亭子

巳巳

雨過千峰濯黛青乘涼縱目坐山亭尋常樹色猶遮望

到此山容無遁形

絕頂平臨北斗齊
座中惟覺萬山低
林禽饋客爭銜果
礪鹿迎人淺印泥

霽空寥濶早秋清
邈爾拈豪暢快生
底事成吟多警句
會心遠處鮮凡情

登四面雲山亭子

中峯千丈拔地起
特據其巔構亭子
初秋蒼蔚尚連林
登臨未露山容美
重來木葉已半落
惟餘老翠及嫩紫

精神氣韻莫不獻慕組刻峭無能擬三旬飽看塞垣山
崔蒨綺錯固佳矣萬景天全結構精又盡善焉乃在此

四面雲山

壬申

軒窓徹四面巖谷俯千重奚數荆開蹟堪尋仝羨踪林
疎為風拂峰現忽雲封策騎遵崎棧時看白鹿逢

登四面雲山亭子

亭子雲山最高處停鑒未肯頻臨駐聞之地靈神所都
隱虞為我勞仙馭崇壇案衍實佳哉能辭偶爾一徘徊

屈指六年登六度每登必有風雨來今朝秋宇澄新霽
林扉跋馬鳴璫孤亭小坐未俄延前楹修復烟絲綴
飛空掠樹不踰時長天一碧懸清暉千秋葉葉翠難狀
萬峰濯濯青偏奇風為車兮雲為馬山之靈兮翮其下
洞庭張樂信然乎何必曲高和者寡

登四面雲山亭子六韻

甲戌

跋馬遵崎棧楓香路幾盤忽看一笠近儼據萬螺端夏
似將秋易心因縱目寬奇峰雲四字活畫樹千巒避暑

最高處披襟生峭寒青瑤蔚遠近何必綴稜丹

登四面雲山亭子恭賦

皇祖山高先得月之句

峻嶺切雲漢孤亭俯渤瀛水輪纔湧出玉砌早光明培
塿難為障姮娥若可迎有林皆一桂無界不三清盈手
寒何礙流睇魄倍晶兔原龍塞物塵作羽衣聲谷口猶
燈火河邊辨畛營萬方歸朗照辭見

聖人情

登四面雲山亭子作歌

亭子諸峯最高處以不常來如始遇秋風策騎一遨遊
巖樹澗葩皆興助金山西北黑山東天橋對面當亭中
我欲因之詣彼岸仝僑之輩其相逢仝僑仙術無濟世
寄意則可難從事秦原舊嶽皆本圖外靖內安尋至計
煌煌聖藻石屏懸齊年却識辛卯年迴思承

訓

御座前敢不覆乎佛時肩

登四面雲山亭子

庚辰

中峯迴出羣一笠與平分四面雲山態八音天籟聞山

齋俯躬得

創得齋在深山邃谷隱不見惟此亭標最高峯俯視如在咫尺

大塊有真文

亦欲無言去其如何慙勤

登四面雲山亭子

辛巳

清秋雲散碧天露策馬遂造最高處谷中婪熱尚覺炎

峰頂峭寒不禁遽幾番畫意徒凝眸今朝親到興始酬

樹猶張王

二字皆去聲

依巖綠泉自清涼羃石流近村遠墅

都結攬黍高稻下黃雲潦闊外秋成乃爾佳豫民被潦
頓遙感

登四面雲山亭子

壬午

策馬蘭蹊不礙涼
虛亭憇坐敞秋光
遠山似揖近山拱
楓葉初丹槲葉黃
西北諸峰倚天近
東南一水入瀛長
年年舊句鄰新句
徒曰忘言那易忘

登四面雲山亭子作歌

癸未

山莊中山冢高處千峯萬嶺莫與齊
金山黑山山城外

雖高於此望覺低避暑本自無暑到夏不厭涼語可稽
乘閒策馬試登陟濃青深翠盤雲蹊每值嘉蔭輒止憩
為恐僕從勞攀躋到來一笠冠絕頂天風拂拂吹天霓
有時晴光搖草樹有時晦影沈巖龕吾知之矣起予思
便與作歌亭柱題

登四面雲山亭子待月即景四首

過望東峯月遲上欲圖早見陟西峰谷中摸索光明者
豈識先他四刻逢

慣厭中涓早備缸千巖夕景正無雙
天橋驚看氷輪湧訝是嵩高玉女窓

東界今宵淨歛雲呈全體不掩毫分底
須轉句衡前夕自是高山迴出羣

滿目為明滿意虛林光巖影總如如
松扉繫馬歸齋閣載得金波到碧疏

登四面雲山亭子待月

夏夕登亭曾待月新秋轉瞬望仍過底
因識得無邊處

依舊清光映女蘿

冰輝萬里朗澄鮮
黍杪何須計欠圓
最是山高先得月

亭子聯句山高先得月嶺峻
自承風

皇祖御筆也

聖人留句示神詮

天橋正對碾輪移
素影旋看碧宇披
幾點螢光流樹底
勞哉却笑爾何為

楓林莎坂影依稀
載得銀蟾並馬歸
所以畧殊前度者
夜涼山靜欲添衣

登四面雲山亭子

甲申

到來彌月始言登曰不踈慵信孰憑半為少閒半艱詠
因他地占最高層

縱目朗然更肆然萬山高下拱階前凌空颿沓天風落
疑是廣寒奏管絃

秋宇寥蕭秋日晶秋雲片片逐風行今朝一踐秋山約
萬樹當秋自賦聲

啓蹕明當往木蘭索酬吟興陟崇巒笑他玉局非精詒

高處瓊樓何礙寒

登四面雲山亭子以題為韻四絕句

乙酉

山莊半月駐亭子今初至迴出界以三俯望海為四

尋常雲際看入峪轉不見一二灑天花

是日微雨梵典以雨雪皆為天

花

迎客開生面

巖葩不識名襲人多淨芬却願來時路隱現於白雲
邇日頗覺熱涼生瞥眼間下臨萬壑深乃悟居高山

登四面雲山亭子

丙戌

盤峰數息亮興登千里河山座下憑頗覺生衣怯涼籟
諸天之上玉壺冰

乍陰忽霽益增景近聲遙巒畢獻佳煙火萬家鋪廣甸

俯臨都為

去聲

計安懷

亭柱詩屏掛欲週便因歲月驗從頭挾牋不慮天風拂
喜與山靈作倡酬

太古以來即有此迴情誰復費安排椒蹊索與遲遲下
為愛新涼滿意佳

登四面雲山亭子作歌

丁亥

碧天如洗秋陽島不涼不暄風物好蘭蹊策馬登最高
興會今朝霄漢表霄漢之表構虛亭依稀如到廣寒庭
桂花未作金粟色萬山枝葉交濃青濃青疊翠開生面
風過霓裳聲遞按此而無語頓置歸恐防山靈笑踈慢

登四面雲山亭子

戊子

崿嶂傾崖幾曲盤到來俯視萬峰攢
嗒呀更復天風鼓
座上添衣七月寒

青楓翠柏眼前羅
棧齟猶看蒼鹿過
風籟渾疑華山頂
明星玉女按雲和

亭子雲端不屢登
登欣曠志共秋澄
短長詩句題簷柱
也喜同人年歲增

登四面雲山亭子

己丑

今朝處暑曝秋陽
婪尾蒸炎反異常
數息肩輿纔造頂
天風透體頓生涼

山莊一至一番登
亭柱題詩歲歲增
却是陳言難盡去

清新俊逸又何曾

上祇天高下絕羣不遮憑覽靜巖氛若云萬里歸眼底
那見滇南萬里軍

登四面雲山亭子

辛卯

早晚峭寒卓午熱山中無定有其常敞亭底識最高處
向日坐來猶覺涼

畫屏攢簇衆嶙峋碧落秋澄迴暢神却憶去年遲駐蹕
歷觀題柱闕庚寅

每歲至山莊必登此亭登必有詩題
柱昨歲因賦六句慶典中秋後始啓

鑒至熱河駐蹕四日即幸
木蘭未及登此遂闕題詠

四面虛明俯萬巒真教遊目綠雲端
摘毫句擬新鄰舊
欲去陳言憂憂難

登四面雲山亭子

壬辰

林海湯湯泛碧瀛中央亭子聳檐楹
恰如身到蓬萊島
俯視波瀾總翠瓊

雲山四面若無隙夏木千章最有神
梯几天風度搖別
衣裳飄拂絕微塵

秋令來多夏令少茲來夏月亦如秋祝融便擬設孤注
到此金官勝一籌

登四面雲山亭子作

癸巳

昨欣驟雨暑全湔極嶺登臨忽隔年望去天光千里外
迤來秋信五朝前

是月十九日立秋

擅乾坤內無雙景奪造化

工有獨權坐此應教諸慮靜依然馳念到金川

登四面雲山亭子

甲午

亭子尚未登時炎幾暇少茲逢雨後爽弗寧綠山道肩

輿數息至萬葉夕陽皎天衣一縷無虛言造雲表玉鏡
已掛空却匪遲去聲之早心凝形亦釋於何覓懷抱去歲
與今朝一例漏聲杳

登四面雲山亭子

乙未

塞天過雨碧於藍塞谷落風寒非冷因緣時節不可孤
便以筍輿尋勝境立秋雖未已秋月皜日金颶報秋景
數步一憇陟巉巖樹杪虛亭見崇嶺左右鹿隊何逍遙
高下蟬聲亦清警玉宇直欲換袷衣林海又疑泛野艇

我到山莊已逾月超几妙趣今方領遐我崆峒拜下風
小矣勾漏尋丹井

登四面雲山亭子作歌

丙申

登培塿起衡霍心游洊澮發江湖思而况靈區高峙煙
霞表魚之茂林湧現滄溟意矗玉筍之崢嶸幻翠波以
溶濟登斯亭者如泛海上之槎蓬萊方丈之仙不招而
自至

登四面雲山亭子用兩韻迴文體

避暑山莊暑亦過設恒無暑奈田何然而涼處暑可避
斯則山莊有獨多避暑莫若此亭子高處不勝寒是矣
至却月餘未曾登則慮恐勞僕從耳今朝立秋秋信多
光陰荏苒真無何常時望中給念者是宜乘爽言經過
不須命騎命輿耳數息駕言亦至矣千巖萬樹在眼中
眼中吾老吟杜子

登四面雲山亭子

庚子

夏月忽忽過秋朝得得來萬山青昊近四面碧雲開暘

雨真稱協高寒此暫陪吟題闕丁戊

歷年登亭子無不利木牌留詩獨闕

丁酉戊戌二年未至耳

追憶愴神我

登四面雲山亭子作歌

辛丑

亭子雲山最高處一年祇臨一兩度秋晴風爽試攀躋

倏見四面英英佈園中此可稱靈山海喇汗頗似興安

塞外山靈異者蒙古率謂之海喇汗而興安為最凡車騎過此輒雨俗云洗山丁丑經興安雨有海喇汗常靈應明易為雨亦易為晴之句

略霏細霽旋開霽神樞孰得窺其端蒼

蔚乍為寥朗宇天橋鍾峰近可睹萬景幻化供眺吟千


古詩人誰水乳

登四面雲山亭子

壬寅

亭據巍巔到不頻
秋朝緩陟又檐巡
諸峰近遠拜風下
一榻高明俯景新
綠樹叢中紅點畫
碧山空外白書紳
去天尺五心寥濶
得句應知迥入神

北枕雙峯



北枕雙峯 山莊內直北山嶺有亭焉斗拔竦起
與西北金山東北黑山頽頽鼎峙

聖祖御題曰北枕雙峰其勢排空屹向如天門雙關對拱
檐楹亭前两石笋秀削青瑤矗立雲際上鐫

聖祖詩

皇上和章紉縵雲霞含吐日月伏觀

天文垂象益徵地靈鍾秀云

聖祖御製詩

北枕雙峯

三集

環山莊皆山也山形至北尤高亭之西北一峰峻
出勢陂陀而逶迤者金山也其東北一峯拔起勢
雄偉而崱嶭者黑山也兩峰翼抱與茲亭相鼎峙
焉

嶽竒岡岫紫宸闕乾地金峰坎黑山苦熱雲生雙嶺腹
盆傾瞬自落溪灣

御製詩

北枕雙峰恭和

皇祖聖祖仁皇帝御製元韻

辛酉

欲排雲霧叩仙闕
咫尺羅天即此山
却喜晴明聊縱目
灤河如帶一灣灣

北枕雙峰

壬申


雙峰金與黑

西北金山
東北黑山

拱揖若來參
崔嵬天光接
冥濛

雲氣涵鸞音
媿阮籍鶴度
肖蘓耽
反照千林紫
吟情落
碧潭

西嶺晨霞



西嶺晨霞 自雲航月舫右行傑閣巋然臨波面
岫一鑑渟澄千林蒼蔚紫霞晨映在雲岑木杪之
間至其倏忽變幻錦文繡錯十色五光難以名狀
聖祖御題額曰西嶺晨霞聯曰鶯留花下立鶴引水邊行
皇上御書聯曰雲卧天闌無不可風清月白致多佳又
曰窓外遠山如黛色檻邊列樹作濤聲

聖祖御製詩

西嶺晨霞

三集

傑閣臨波軒窓四出朝霞初煥林影錯繡西山懸
景入几案間始登閣若履平地忽緣梯而降方知
上下樓也

雨歇更闌斗柄東成霞聚散四方風時光豈在凌雲句
寡過清談宜守中

御製詩

西嶺晨霞恭和

皇祖聖祖仁皇帝御製元韻

辛酉

翔陽騰曉海門東似颭紅旗錦颭風何必暮山誇返照
試看西嶺畫屏中

西嶺晨霞

壬申

窓戶含西嶺晨霞亦可稱恍如赤城畔高出白雲層
映日真還幻隨風散復凝今朝準為雨農諺有明徵


農諺
晚霞

晴朝
霞雨

欽定四庫全書

欽定四庫全書
卷二十七

鍾峯落照



錘峰落照 山莊東五里許為磬錘峰鄭氏注所
謂武列水歷石挺下挺在層巒之上孤石雲舉臨
崖危峻可高百餘仞者也

聖祖賜名錘峰就山莊西嶺構亭與四面雲山亭相望東
界諸峰悉在指顧每紅輪西下返照在東衆山蒼
然暮色而是峰迥出孤高揚暉天末烟嵐變幻金
碧陸離

題額曰錘峰落照聯曰嵐氣濕青屏天際遙看烟樹色水

金華山志 卷二十七
光燃素練風中時聽石泉聲

聖祖御製詩

鍾峯落照 三集

平岡之上敞亭東向諸峯橫列于前夕陽西映紅
紫萬狀似展黃公望浮嵐暖翠圖有山矗然倚天
特作金碧色者磬鍾峰也

縱目湖山千載留白雲枕澗報深秋巉岩自有爭佳處
未若此峰景最幽

御製詩

鍾峰落照恭和

皇祖聖祖仁皇帝御製元韻

辛酉

獵罷途經羽蓋留鍾峯落日正深秋
白雲紅樹參差處疑有寒山結宇幽

鍾峰落照

巳巳

西日隱東峯天光入水底披襟松籟寒
千林紛翠紫

鍾峰落照

壬申

曾愛文皇句

唐太宗有初
晴落景詩

高標物外情照亭浮檻晃燭

浦漾瀾明理境資強立神工謝巧營倚天森玉柱擬待

勒誰名

賦得鍾峰落照

甲戌

一柱標雲漢千峯最上層亭亭明夕照煜煜蔚霞蒸落
景連空翠騰光入碧澄西崖翻直影東戶引閒憑何必
憂騷客端宜悟苾僧送將朱鳥隱掛得玉蟾昇逸趣發
菁藻餘輝帶絳繒神鍾工體物惟是

聖人能

南 山 積 雪



南山積雪 亭在山莊正北高據山巔南望諸峰
環揖拱向塞地高寒杪秋雪下環視樓閣高下皎
然寒玉光中謝賦所稱重巒連璐者蓋兼其勝

聖祖御題額曰南山積雪山莊每峰頂各冠以亭南則鍾
峰落照其左為北枕雙峰少北而西則四面雲山
東北則南山積雪也四亭列峙各擅佳勝而千岩
之秀擷矣四時之氣備矣

聖祖御製詩

南山積雪 三集

山莊之南複嶺環拱嶺上積雪經時不消於北亭
遙望皓潔凝映晴日朝鮮瓊瑤失素裁眉明月西
崑閬風差足比擬

圖畫難成卽壑容濃妝淡抹耐寒松水心山骨依然在
不改冰霜積雪冬

御製詩

南山積雪恭和

皇祖聖祖仁皇帝御製元韻

辛酉

芙蓉十二列峰容最喜寒英綴古松此景祇宜詩想像
留觀直待到深冬

南山積雪

壬申

堯峯何所異積素雅宜看朔氣干霄白清威幕地寒塞
梅粘樹樹凍玉咽灘灘歌郢誰家子應來曲裏彈

梨花伴月



梨花伴月 山莊西北曰梨樹峪以所產得名入
峪平岡逶迤不覺近遠惟聞幽澗瀑鳴迸落石罅
行里許靜深繚曲漸入曼邃奧如窈如不知此中
壺天勝界也時當春日萬樹梨花素艷幽香清輝
不隔

聖祖御題額曰梨花伴月內為永恬居更內則素尚齋
聖祖御製詩

梨花伴月 三集

入梨樹峪過三岔口循澗西行可里許依岩架屋
曲廊上下層閣參差翠嶺作屏梨花萬樹微雲淡
月時清景尤絕

雲窓倚石壁月宇伴梨花四季風光麗千岩土氣嘉瑩
情如白日託志結丹霞夜靜無人語朝來對客誇

梨樹峪道中步輦口占

四集

入谷橋分三岔路傍崖步輦景何深山中獨見松林影
時有清流助鼓琴

其二

一溪展轉見山花
步步石苔楊柳斜
試看目前將熟果
青榛郁李並堪誇

御製詩

梨花伴月恭和

皇祖聖祖仁皇帝御製元韻


辛酉

誰道邊關外
春時亦有花
寒香雪添豔
淡影月增嘉
雅稱峰頭雨
何須谷口霞
塗山千萬樹
踪跡漫相誇

梨花伴月

盤逕入深秀雲居得畝平
春來花正放壺裏月偏明
香色雙清境希夷一晌情
神仙惟自度詎必藉金莖

曲水荷香



曲水荷香 亭南向在北山巖奇石參差鱗次瓦
疊澗水潺潺隨石折為小沼中植芙蓉亭亭萬柄
翠蓋紅葩自然香遠

聖祖御題額曰曲水荷香舊在暖湍暄波北今移于此
聖祖御製詩

曲水荷香

三集

碧溪清淺隨石盤折流為小池藕花無數綠葉高
低每新雨初過平堤水足落紅波面貼貼如泛杯

蘭亭觴詠無此天趣

荷氣參差遠益清
蘭亭曲水亦虛名
八珍旨酒前賢戒
空設流觴金玉羹

御製詩

曲水荷香恭和

皇祖聖祖仁皇帝御製元韻

辛酉

當年

睿志尚高清
非慕漁溪癖
愛名重憶瓊
筵陪

色笑金匙常飽手調羹

曲水荷香


壬申

鏡面鋪霞錦芳颺習習輕花常留待賞

每到山莊雖深秋亦有荷花

香是遠來清細蓋迎秋直珠囊帶露擎楚人休製服同
此樂衢亭

風泉清聽



風泉清聽 松鶴清越之西置三楹曰風泉清聽
有泉出兩山間注谿穿竇風來澗谷則聽益清遠
與松聲鶴韻相答

聖祖奉

寧壽宮問

安時所憇故有

瑤池芝殿之句內為秋澂齋

皇上御書聯曰素影寫波澂境原無暑清風拂林爽氣

金匱要略卷之二十七
最宜秋

聖祖御製詩

風泉清聽

三集

兩峰之間流泉滴滴微風披拂滴石作琴筑音與
鶴鳴松韻相應泉味甘馨怡神養壽恰合章孝標
松下泉詩注瓶雲母滑漱齒茯苓香

瑤池芝殿老萊心涌出新泉萬籟吟芳檻倚欄蒸靈液
南山近指奏清音

御製詩

風泉清聽恭和

皇祖聖祖仁皇帝御製元韻

辛酉

物物都歸大造心
風泉亦解奏清吟
熙和六十一年化
編簡猶垂

雅頌音

風泉清聽

出石泉惟冽因風響益清
虹垂飲澗勢琴譜號鐘聲
江

海他時赴雲霞此處生

當年川上意仰識在民情

題秋澂齋

甲申

山齋秋日坐秋景恰方澂爽氣在蘭沼霽光浮櫺陵有
雲惟點綴無字不寬弘設問安心處玉壺都是冰

秋澄齋

丙戌

枕上西風曉屋涼澄來碧宇滿秋光衿衣喜著單衣換
吟務那侵幾務忙邇日炎暄避何有晚田雨潤望難忘

京畿却報宜
暘好銅雀聲
中待築塲

秋澂齋

丁亥

氣蕭碧宇無邊淨
潦盡寒潭澈底清
俯察仰觀心有會
奉時惟是應時行

秋澂齋

己丑

天朗雲無一片凝
果然碧宇到秋澄
空齋恒得消斯景
偶坐因之興亦騰

題秋澄齋

己亥

今朝秋信甚分明舉目天高氣已清雖有雲生惟覺淡
每欣日照必含晶間來那計兩年別偶坐堪探六義精
研淨甌香諸慮靜山齋真是副嘉名

秋澍齋八韻

辛丑

氣澄天碧落時澄地潯收山澄雲斂谷川澄水淨流人
澄暑退夷物澄毛毳柔一澄無弗澄而摠皆緣秋我適
坐高齋灑然會心悠其中閑今昔不覺光陰邁代謝由
化工推遷誰能留惟是祝宜暘西成近可酬

題秋澂齋

壬寅

昨日立秋時值晚

昨六月二十九日戌時立秋

今朝即景晚來臨果

然一夜分秋夏蛩爾入窓暢詠吟喜是滿天開素宇幸
猶三伏未愁霖副名合共蕭齋慶澄矣全消芥蒂心



欽定熱河志卷二十七

欽定四庫全書

史部

欽定熱河志卷二十九

詳校官編修臣曹城

檢討臣德生覆勘

總校官舉人臣章維桓

校對官編修臣戴心亨

謄錄監生臣陶嗣曾

欽定四庫全書

欽定熱河志卷二十八

行宮四

濠濮間想

天宇咸暢

暖溜暄波

泉源石壁

青楓綠嶼

鶯轉喬木

香遠益清

金蓮映日

遠近泉聲

濠濮間想



濠濮間想

澄湖之北構亭凡四面如意洲曰濠

濮間想

聖祖御書額也東曰甫田叢樾西曰鶯囀喬木又西曰水流雲在迴環列布倒影波間茲亭居其中前臨芳洲後翳密蔭水木明瑟魚鳥因依

茂對殷懷用徵咸若濠濮之樂亦寓焉而已

聖祖御製詩

濠濮間想

三集

青流素練綠岫長林好鳥枝頭遊魚波際無非天
適會心處在南華秋水矣

茂林臨止水間想託身安飛躍禽魚靜神情欲狀難
御製詩

濠濮間想恭和

皇祖聖祖仁皇帝御製元韻

辛酉


曾聞古衲子問師覓心安我是無心客轉覺會心難

濠濮間想

壬申

水木翳然處真堪會此心有懷虛以靜無俗竊而深風
度隨花蝶霜酣餉果禽天都元在此那更數華林

天 宇 咸 暢



天宇咸暢 湖之東岸有阜巍然構殿宇其上中
天積翠絳節高居額曰天宇咸暢殿後建閣三重
額曰皇穹永佑再重祀真武額曰元武威靈三重
奉玉皇曰天高聽卑皆

聖祖御書閣下山趾巨石林立縱橫

天詞

御詠並摩崖恭勒焉

聖祖御製詞

天字咸暢

詞萬斯年曲
三集

湖中一山突兀頂有平臺架屋三楹北即上帝閣
也仰接層霄俯臨碧水如登妙高峰上北固烟雲
海門風月時歸一覽

通閣斷霞應卜居人烟不到麗晴虛雲葉淡巧萬峰明
雁過初賓鴻侶鷗雨秋花遍洲嶼

御製詞

天字咸暢恭和

皇祖聖祖仁皇帝御製元韻

調萬斯年曲
辛酉

琪樹瓊田封陟居元君駐駕玩清虛旋促鶴御返瑤池
別離初神仙侶曾訴幽情立烟嶼


御製詩

天字咸暢

壬申

洞府玉虛宇林扉守百靈三天無別路五嶽有真形青
鳥憑傳信紫鸞時駐輶瑤函降真誥聞說是黃庭

暖溜暄波



暖溜暄波 熱河以水得名近東北門之隅有肺
馬水自宮牆折入蓋湯泉餘潤也建閣其上

聖祖御題額曰暖溜暄波感沸潛蒸演迤屈注踰牖口循
清渠濺玉跳珠溶漾傾瀉含甘漱潤蠲鬱除煩天
然功德水焉閣前疊石為岸立雙碣恭勒

聖製並

皇上和章

聖祖御製詩

暖溜暄波

三集

水源暖溜輒蠲疴涌出陰陽滌蕩多懷保分流無近遠
窮檐盡頌自然歌

御製詩

暖溜暄波恭和

皇祖聖祖仁皇帝御製元韻

辛酉

靈泉清泚滌煩疴功德由來利物多况是


御園分惠澤祇今猶頌澗瀍歌

暖溜暄波

壬申

遙源蒼嶠中暖溜早稱功滌蕩蒸雲似靈竒仙藥同醴
泉聞建武溫谷豔新豐利物天然澤無誇闢沼官

泉源石壁



泉源石壁 北山之麓危崖直下數仞旁無路蹊
古樹根盤迸出石罅蒼苔紫蘚沿蔓繡澀壁間懸
流百丈飛注所謂泉源者也磨崖恭勒

御書泉源石壁四字大徑二尺西為半月湖更西有亭曰
矚朝霞皆

聖祖御題

聖製元韻

皇上和章並鐫石壁上

聖祖御製詩

卷二十八

泉源石壁 三集

獅徑之北岡嶺蜿蜒數里翠崖如壁下映流泉泉
水靜深尋源徙倚咏朱子問渠那得清如許為有
源頭活水來之句悠然有會

水源依石壁雜沓至河隈清鏡分霄漢層波濺碧苔日
長定九數髮白考三才天貺名猶鄙居心思道該

御製詩

泉源石壁恭和

皇祖聖祖仁皇帝御製元韻

辛酉

泉源丹嶠側石壁玉河隈
汀雁人為字岩屏衣是苔
雲心原不繫水鏡豈須才
緬想

無為治巍巍造化該

泉源石壁

乙巳

奔流迅瀆紫竒石上有松崖倚白雲
山鳥飲泉林際下帶將松子落紛紛

自五... 卷二十八

泉源石壁

壬申

錦流依繡壁霽色正開時
喧寂均堪悟縱橫皆合宜
遊松擾磨庵啞藻下鳬鷺

聖蹟光巖穴翹瞻切企思

泉源

癸未

泉源歲久致湮淤拔草除泥事
剔疏况有

神堯遺跡在

一泉源石壁為三十六景之
皇祖御題泐巖間

引流導澤益殷予

半月湖

半月湖中印半月合如滿相玉輪圓主賓半滿有為法
照徹三千與大千

半月池

甲申

沙溪易映咽歲久賴疏治一以漲潦容一以灌輸資昨
夏駐山莊畫長多暇時剔鬢去淤壅成此半月池今來
益澄泓巖風落漣漪飲鹿喜羣友樂魚育鯢鯪玉輪方
上弦相映清光披

半月湖

倒壁影青螺名應藉玉娥汀蒲尚惹翠岸柳自婆婆飲
聲鹿來蹤夥遊魚樂趣多列谿山水發不月湧金波


半月湖

疏淤仍復舊池塘潦盡蕪看新水光舉首上弦蟾魄好
半輪影亦正相當

半月湖

半月湖圖月未圓一彎印却影澄鮮碧霄輪廓三千里
容此湖將逮萬千

青楓綠嶼



青楓綠嶼 越泉源石壁而北跨山巔面南三楹
額曰青楓綠嶼聯曰茱萸響入疎松裏錦繡雲從
翠壁來殿五楹額曰風泉滿清聽門外三楹面西
額曰霞標聯曰疎幕幾重當畫卷遙山三面送青
來皆

聖祖御筆殿東嚮四楹

皇上御題額曰吟紅榭雲窓月牖掩映楓林淺碧濃青
逶迤一色每輕霜乍染萬葉皆赭錦樹分叢丹霞

競彩蓋寒山石徑光景彌新矣

聖祖御製詩

青楓綠嶼

三集

北嶺多楓葉茂而美蔭其色油然不減梧桐芭蕉
也疎窓掩映虛涼自生蘿薦交枝垂掛崖畔水似
青羅帶山如碧玉簪奇境在戶牖間矣

石磴高盤處青楓引物華聞聲知樹密見景絕紛譁綠
嶼臨窓牖晴雲赴綺霞忘言清靜意頻望羣生嘉

御製詩

青楓綠嶼恭和

皇祖聖祖仁皇帝御製元韻

辛酉

遊豫諸侯度非闕玩物華山莊幽事足林塢鳥聲譁列
嶼仍含黛經霜想作霞羣生被

苞育微木揔清嘉

青楓綠嶼

壬申

青楓多秀色乍可傲霜朝樓榭惟存意烟霞儘許招司

勳權閣筆王子欲吹簫却望丹邱迴何當遇石橋

賦得風泉滿清聽

丁丑

璇題標五宇巖室護千靈度牖秋風颯侵階泉水冷自然
相問答雅合託高冥契理皆堪會忘言頃入聽漪瀾猶
習習含籟復渟渟觸景緬

堯軌非關企孟亭

吟紅榭

霜染橫林沓嶂巔開窓遙對畫圖懸聊欣爛熳峯頭緜

莫慢飄零谷口填
晚照每看霞影亂
曉涼常浥露華鮮
徘徊欲詠還停筆
兩杜先予早著鞭

吟紅榭 己卯

霜蹊風谷薄人寒
散步崎嶇出衆攢
纔到山齋便得句
爲他入牖幾枝丹

吟紅榭 庚辰

綠蔚青標畫幃橫
權當倚榭閣吟情
山靈偏是具神解
一樹當窓恰染成

霞標室

戊寅

書室千峯表金秋八月清

時八月朔日

招涼在懷袖寫霧出

檐楹便欲望銀海何須擬赤城風泉清聽滿

室中有

皇祖題

額云風泉清聽滿

常見

聖人情

霞標

己卯

雲窓攬鏡中月宇駐依空得趣真無比澄觀復不窮屏
山遙拱北帶水俯臨東孫綽天台賦我心先獲同

霞標 乙未

降西復陟東待月向時同兩字

奎章迴萬年景仰中林端幾點斲天末一絲紅實境得真景

文通造化工

賦得霞標八韻 丙申

冠嶺樓書室

奎章兩字該錢詩稱玉壘孫賦詠天台顥氣相磅礴羲光

與廓恢參差縈且繆縹渺往而迴豈必乾元殿

王勃乾元殿頌

燕山配極照鸞闕於霞標云云

居然日觀臺金烏定堪揖仙鹿每為陪

的爍丹楓映徘徊綵筆裁於斯清萬慮將以叶三才

霞標 壬辰

霞標真是據霞標兩字題檐

聖蹟昭修阻山蹊步恒鮮徘徊齋閣意斯超巖禽窺戶鳴
如訴松鼠穿林疾若飄東壁有臺供遠望錙峰月上正
堪招

夜遊山月 癸酉

夜遊山月當秉燭水月恒同山月獨踈枝密葉錯玲瓏
橫嶺側峯互繚曲燈筵錫罷雲居遙輕輿緩度升崇椒
緱山笙鶴儼若接興來擬欲招王喬楓烟榛露溼清甚
湧金劍峽晶光淦廣寒底用駕虹橋虛無幻境寧容審
山靈有意助姮娥慶霄歛盡纖雲羅即景後賦勝前賦
我心先獲惟東坡

夜遊山月作歌 甲戌

飛涼徒倚崇岡巔畢景暮色來蒼然巖樹傑池漸欲隱
我亦因之拂錦韉迴頭下視東海水一輪冰鏡從中起
如聞七寶宮闕間纖阿謂我行且止崖枝潤葉重光輝
陰嶺陽嶽幻益竒石泉輞水漱上下宿鳥繞樹聲參差
高處雖寒遠塵垢左招吳質洪厓右早嗤羽客術已勞
却憐燭火光何有雲莊松塢言歸來琉璃界裏行龍媒
湧金閃玉莫可狀絲轡珊鞭且慢催却憶年年遊上苑
蘭舟桂棹遲且緩北人使馬南人船欣茲本色得何晚

夜遊山月歌

癸未

夜遊休秉燭那窮巖阿與溪曲夜遊休乘輦雙輪輕轆
艱動轉聽我夜遊山月歌金鞭珠勒便利多崇峯峻嶺
任遨衍而却不出山莊石城之遮羅此情蓄以九閱載
因緣此夕興百倍寥天疊嶂如有期明月清風不用買
山鳥啾啾山鹿呦呦聽如仙樂勝撥瑩葆旣弗為太白
手捉之狂逸亦弗取知微借酒之幻術取之無盡用不
竭得得隨人茂林出載月以舟右寧可僂指數自謂策

騎廣寒曾未聞於古中庭即或有人鮮見上馬而觀
下馬歌而譜記憶細故其馬窮東坡踞虎豹登虬龍祇
宜傲二客耳安能蹠蹠驅青驄

登高臺而待明月

癸未

登高臺而待明月初見不可無言紀滿川斜陽脩上山
須臾山亦蒼然矣山之四處漸生光光中一點金星委
是時依凹有片雲雲忽數層點綴美星為鉤復鉤為璜
溢彩萬狀莫能擬過雲擎出爛銀盤盈袖天香露華綺

紫磨身月華子千秋萬歲山莊裏

登高臺而待月

丙戌

登高臺而待月於望後為相宜臺更西山巔東山座中
披乘涼送夕陽颯沓延興颺須臾斜照落萬樹蒼然暮
色剛熹微錘峰南側金色拖眉忽鉤忽半璧忽呈全體
空中飛是時流雲點綴乍隱現未覺謝重所言全屬非
登高臺而待月賞今夕之遇奇

月夜山遊四首

高臺延月月已上策馬聊為汗漫遊同是廣寒明鏡裏
豈殊雲海泛虛舟

澗葉巖葩態盡藏緩過殊勒靜聞香千秋欲問載月客
此景曾知在此鄉

松濤石瀑空中聽蔓壑枝峯鏡裏尋識得晦原有明趣
更於何處覓塵心

夜山真覺靜而佳不害端知鹿可偕出谷攜將林杪月
蘭舟原待水之涯

夜月山遊四首

丁亥

既望應知月出遲
東山臺迴坐延之
錘峯一縷金絲現
脩湧冰輪祇片時

已愜崇情復暢觀
誰云高處不勝寒
徘徊蓮漏聽逾刻
適可言歸控玉鞍

登東迎月降西背
比出平林宛又逢
却笑拘墟較里許
碧山滄海自重重

嶺態峯姿漾若浮
聞聲不見鹿呦呦
陸離田地光明境

金少曰 卷二十八
茶馬真成汗漫遊

夜遊山月作歌 戊子

我昨御園泛秋月塞館山遊興已寄

昨在御園有行將駐塞館策騎更山

遊之望前到此原宜再即景短章吟以四近於山莊泛月得四絕句

侵尋過望月出遲登山延待循前例

邇年策騎山遊率先登山待月之上

山高更上一層臺果早冰輪見東壁

叶東壁初拖一線

金瞥眼圓光湧天際據鞍載月下崇椒乍見峯凹乍林

翳離奇變幻莫可狀豈識銀蟾本無意亦可乘舟亦策

騎雙佳並美山莊萃

登臺待月之作

壬辰

過望月上遲載月遲開舟我欲早見之登臺舊例由向
晚陟霞標暑消涼風颭斯已天半高臺更高一籌錘峯
正當東夕陽滿峰頭須臾暮色上蒼然暗川溝樹未忽
不辨都如碧海浮左界漸生光橫嶺如岸馭金輪欲飛
騰復被錘峯留錘峯安能留全體露轉眸下臺仍據鞍
策馬為山遊

夜遊山月

十六夜因用
十六月字

湖月藉山佳山月佳可想下臺月共來策馬月同往入
谷疑月藏陟巘披月朗月情誰則知月光衆斯仰月雲
月宇消月風月林盪對月吟月詩問月容月賞

夜遊山月二首

癸巳

過望月遲升登臺例待曾鍾峰纔漸吐璇宇脩飛騰遊
月有別談驛鞭真絕勝廣寒近尺五緣在最高層

金碧光無定千林漾若流夜明豈行暗山實訝乘浮出

谷還屏燭

中人例以燭來迎却之

到湖仍泛舟遂將青雀舫

山莊載月

舟名幻作謝家樓

夜遊山月歌

甲午

遊湖必以船黃頭盪漿寶逸耳遊山則以馬紫騮控轡
微勞矣人情喜逸而惡勞我意乃覺殊乎彼逸斯忘善
勞斯思文伯母言具至理銀蟾光照無私偏豈揀擇乎
湖與山湖之潏沆止一水山之雅婁多崇巒崇巒掩映
互吞吐隨步換形人各為觀急不可捉緩已失景特異

其平挹金波慢搖櫓過望夕月升遲往例登臺以待茲
待茲而升益親切遂與共載玉鞍窮幽竒出山湖岸艤
蘭舸下馬依然泛瀛坐北人馬及南人船一夕兩兼無
不可

夜遊山月四首

乙未

過望冰輪遲上天登臺遼待例依前須更東壁光生處
一縷金絲拖嶺巔

絲矣而眉眉半壁忽為圓壁掛錘峯屈伸臂頃幻如是

陶惜馬能覓此宗

便教乘馬下崇椒
屏却銀燈朗燭霄
詎是艷誇北人慣
箇中妙處習相調

高下都非塵世界
林壑總是碧琉璃
廣寒輪廓三千里
策馬遊中却阿誰

夜遊山月雜詠

己亥

望舒按轡上應遲
仍陟霞標坐待之
高處不遮山現早
一端窮理見於斯

待月之昇共月行巖岡徐下馬蹄輕別來斯景兩寒暑
昨日今宵瞥眼呈

風閃林光銀葉翻網淪筑韻瀑聲喧底須研練成新句
癸未長歌已備言

峻坂原非直馳下徘徊月宇緩鳴鞭清遼略寓習勞意
望七人猶未歇肩

霞標用己亥夜遊山月四首韻

辛丑

霞標今當

去聲

到來遲既到何妨小憩之己亥詩茲辛丑

和流陰三歲迅如斯

礪道肩輿緩緩行拂林秋籟颯寒輕山軒迴出諸峰表
翠邏青園眼底呈

隨處芸編閒可翻雅宜靜會遠塵喧却因博覽得其要
祇在躬行不在言

待月常年原有例今年弗試夜行鞭

向年夜遊山月每乘馬至霞標坐待

月上遂策騎遊山而下故已亥詩有清遊畧寓習勞意望七人猶未歇肩之句今年逾古稀園中每肩輿緩行不復事夜間畧餘精力勤幾勅天下時仔正在肩跋馬之遊矣

霞標弗待月

壬寅

霞標弗待月去歲斯已然

往年夜遊山月每于望後登霞標之平臺坐待月升跋馬

而下昨歲即未如向例故有待月常年原有例今年弗試夜行鞭之句

萬山之中夜跋馬

自覺罄控艱周旋有如銜橛亦何要身先

去聲

習武寧渠

謂此言霞標弗待月肩與卓午宛蒞止適纔雖有言或者

好逸為遊語

叶

即景婆婆興不淺未免見獵心猶喜心喜

其如力勿從古稀天子誠老矣四壁勤有夜遊山月詩

歷吟祇益增慚耳

鷺轉橋水



鶯囀喬木 亭當萬樹園之陽翠幹凌雲濃陰密布

聖祖御題額曰鶯囀喬木于時春也倉庚于飛睨睨下上
斯亭近俯清波遠連叢樾和風澹沲載好其音嚮
時之鳥蔭託

上林嚶鳴共樂蓋萬物各得其天不獨山光悅鳥性
也

聖祖御製詩

鶯囀喬木

三集

甫田叢樾之西夏木千章濃陰數里晨曦始旭宿
露未晞黃鳥好音與薰風相和流聲逸韻山中一
部笙簧也

昨日聞鶯鳴柳樹今朝閱馬至崇杠朱英紫脫平原綠
月駟雲驕錯落駢

御製詩

鶯囀喬木恭和

皇祖聖祖仁皇帝御製元韻

辛酉

再歷仙居遊似夢重瞻

睿作筆如杠靈臺却在榆關外博望無勞更出驍

鶯轉喬木

壬申

山深悅鳥性喬木早遷鶯最愛清和節頻聞曉曉聲雙


柑思舊韻一部錫新名

山中一部笙黃
聖祖小序中語也

歌案觀宵

雅嚶嚶倍有情

香遠益清



香遠益清 萬樹園東南金山之陰構殿數重曲
治漣漪涼軒明淨綠房紫韻芳菲襲人當雨過風
來生香遠挹對之覺心境雙清前殿五楹

聖祖御題額曰香遠益清聯曰遠見波光來玉澗近臨山
翠入書窓後殿三楹額曰紫浮稍西置八楹額曰
依綠齋聯曰喬木拂窓連嶺翠澄波映檻接天光
齋左有亭

御題額曰含澄景

聖祖御製詞

香遠益清

調柳梢青
三集

曲水之東開涼軒前後臨池中植重臺千葉諸名
種翠蓋臨波朱房含露流風冉冉芳氣竟谷

出水漣漪香清益遠不染偏奇沙漠龍堆青湖芳草疑
是誰知移根各地參差歸何處那分公私樓起千層荷
占數頃炎景相宜

御製詞

香遠益清恭和

皇祖聖祖仁皇帝御製元韻

調柳稍青
辛酉

俯弄清漪平臨錦繡淨植含竒華嶽峰頭西施湖畔幽
艷誰知秋來老幹差差芳菲歇造物無私詩擬丰標圖
摹體態多少便宜

御製詩

香遠益清

壬申

春光六月天照臨濯清漣逸韻風前別生香雨後鮮揚

漪明塞日標倩暗溪烟松島蓮花寺空聞十景傳

依綠齋

甲戌

依樹開軒榭嘉陰綠滿窻階前書帶裊牆外玉琴淙梁
燕窺巢舊山鼯掇果雙揆毫期擬古花讓筆生江

金蓮映日



金蓮映日

金蓮花本出五臺移植山莊體物肖

形載賡

天藻曼陀優鉢無以逾茲延薰山館之右有殿五楹西向
是花環蒔葉亞枝交含風葩露每晨光啓牖旭影
臨鋪金彩鮮新爛然匝地勝曰金蓮映日旁室三
楹

御題額曰川巖明秀興壇高明實綜覽湖山勝槩云

聖祖御製詩

金蓮映日 三集

廣庭數畝植金蓮花萬本枝葉高挺花面圓徑二
寸餘日光照射猜彩煥目登樓下視直作黃金布
地觀

正色山川秀金蓮出五臺塞北無梅竹炎天映日開
御製詩

金蓮映日恭和

皇祖聖祖仁皇帝御製元韻 辛酉


輝煌麗曉日璀璨映重臺布地黃金滿祇園此處開

金蓮映日

玉井曾標秀金臺別擅奇輝輝爭日色灼灼動風枝銀
氣常蔥蔚晶光自陸離清涼慢相訝

古佛實都茲

遠近泉聲



遠近泉聲 緣長隄而北石路半里許漸聞水聲
鳴湍響澗匯音橋畔掇金夏玉水樂琅然殿三楹
南嚮

聖祖御題額曰遠近泉聲其東二楹額曰聚香齋聯曰四
圍山色連雲漢一徑林邊去暑風殿後為亭額曰
聽瀑蓋瀑布最勝處也聯曰四面浮青開日景一
泓澄碧見天心殿外三楹面南高敞水際風來冷
然善也

御題額曰招涼榭

聖祖御製詩

遠近泉聲

三集

北為趵突泉涌地感沸西為瀑布銀河倒瀉晶簾
映崖微風斜捲珠璣散空前後池塘白蓮萬朶花
芬泉響直入廬山勝境矣

引泉開瀑布迸水起飛珠鏘玉雲巖應色空有若無
御製詩

遠近泉聲恭和

皇祖聖祖仁皇帝御製元韻

辛酉

飛流疑掛玉濺沫似噴珠舊識題崖字於今半有無

遠近泉聲

壬申

鑿石布垂瀑灑流帛裂湖泉堪傲虎躑峰得號香壚偶
在參天一間憑味道腴醉魚時蹙浪上下濺明珠

招涼榭

甲戌

嘉蔭之下芳草多塞水無定流成河西峯遮夕陽北谷

來風涼三間虛榭堪徜徉萬民疾苦吾心藏於此聊以
驗歲月亦不自道傲羲皇

招涼榭 戊寅

傍午小炎蒸山田正資長秋長利在農豈計礙遊賞近
西得陰早信步尋涼往豁然水雲榭適可悅俯仰襟袖
覺颯寒眉目為清朗舉頭見題額副實誠不爽

招涼榭 己卯

地近西山得陰早秋來婪熱藉招涼詎因颯爽清煩慮

却幸西成候正長

戲題招涼榭

庚辰

突兀千林山寂寥坐來謾聽落崖颺偶然題句還呵凍
榭號招涼懶更招

招涼榭

辛巳

午熱圖延爽因之水榭虛綠陰風果峭藍尾暑全祛欣
為秋宜稼愁虞雨致如愁欣渾不定臨眺且躊躇

招涼榭

癸未

山莊無處不招涼
此處招涼最異常
已謝葛衣坐來換
便拚紈扇篋中藏
階臨綠水祛塵遠
簷拂蒼松引籟長
何必對時稱畏日
可知多稼正宜暘

招涼榭

甲申

乍熱復覺熾言憩招涼榭
便自清風來
副名信堪訝
西峯本無縫
喬樹則有罅
延颺而蔽曦
妙境奪造化
然予引餘思
嬾代弗相假
即看颯颯秋
已謝炎炎夏
奚用更招涼
且此欣宜稼

招涼榭

丙戌

淒暑劇難勝招涼榭可憑林疎延籟入峯峻致陰增體
爽亦何有農祥還欲徵山田新得雨萬寶藉暄登

招涼榭

丁丑

敞榭羃嘉蔭秋涼聊復招近西陰得速臨水爽來遙果
覺衣增颯竟堪扇罷搖心懷別有喜催熟晚田苗

招涼榭

乙丑

山高日先下川閣風偏來敞榭構其間招涼信宜哉昨

近午熱劇鬱燠猶未回明知利稼穡陽曝實粟催延緣
至此間頓覺暑氣摧心神為灑然點筆稱去聲清陪

招涼榭口號

壬辰

借問涼從何處招招為能即涼為所虛榭空空付不知
坐來人自饒緒語

招涼榭

癸巳

仙莊稱避暑水榭更招涼雲巘列峭嶠烟波鋪渺茫砌
芳動輕籟仄樹遠斜陽妙趣非言會忘言趣越長

招涼榭 甲午

曉涼午熱恒山莊不常之常乃真常今朝卓午頗覺熱
肩輿因即來招涼虛榭果然有獨擅陰濃風颯信白藏
炎燄不知避何處生衣欲換紗衣裳有喜點筆不在此
在彼山田實栗暍秋陽

招涼榭 乙未

避暑那無暑招涼便有涼了知他所異原是此間長喬
樹延爽籟堯峯隱夕陽祇須置班詠紈扇早斯藏

招涼榭

丙申

盤磴降於原有榭仍近水谷風從北來拂水爽無比峭壁峙在西得陰斯早已山莊少炎熱偶熱即憩此招涼底用招聽其自至耳

招涼榭

己亥

都名避暑莊而暑亦恒有是處招涼榭惟涼暑則否其故謂云何五字可得剖西壁高百尋峯陰每早取前林羅衆木搖風爽常受而况帶以溪澄澈遠塵垢弗招涼

自致曰招饒滕口

招涼榭

立秋前一日作

庚子

明日當立秋今日猶夏節晴曦發數朝鬱蒸為酷熱炎
官設孤注金帝讓餘烈宜暘共農欣招涼適已悅在彼
在此際吾意向誰說

招涼榭

辛丑

已覺秋涼何必招却因婪尾略餘歡笑他熱似老來健
例我吟如債合消日轉西峰陰得早風翻喬樹爽偏邀

便蒸為雨應無碍農候三庚正利蕎

招涼榭二首

壬寅

上伏于斯稱憩陪綠陰碧草淨無埃新涼問作何招得
昨近都緣過雨來

漫云心靜自然涼心靜還因協雨暘今日方知榭佳處
水風清拂葛衣裳

聚香齋

壬午

衆香國土光明鏡題額

當年緬挾毫書按墨林清晝暇不開帙此讀離騷

聽瀑亭子作

癸未

瀑自有源惟地靈溪原無定藉人營剔除泥滓疏新水
始得泉聲副

昔名

遠近泉聲為山莊三十六景之一聽瀑亭子在其側
皆皇祖御題也瀑固如常溪則年久沙淤茲因

疏剔始得
復舊觀云

溪分高下作聲繁瀑落雲中峽底翻一例空

去聲

人凡耳

目那更

平聲

伯仲藉量論

欽定熱河志卷二十八